

## Нега мутакаббирлик қиласан?!

Image not found or type unknown



13:28 / 13.03.2021 3156

Аллоҳ таоло Қуръони Каримнинг Наҳл сурасида шундай деб марҳамат қилади:

أَلَمْ نُرَبِّكَ تَسْمِيًّا مِّمَّهٖ وَوَعَدًا مِّمَّهٖ وَرَبُّكَ تَسْمِيًّا مِّمَّهٖ وَوَعَدًا مِّمَّهٖ وَرَبُّكَ تَسْمِيًّا مِّمَّهٖ وَوَعَدًا مِّمَّهٖ  
نَبِيِّرَبِّكَ تَسْمِيًّا مِّمَّهٖ وَوَعَدًا مِّمَّهٖ وَرَبُّكَ تَسْمِيًّا مِّمَّهٖ وَوَعَدًا مِّمَّهٖ وَرَبُّكَ تَسْمِيًّا مِّمَّهٖ وَوَعَدًا مِّمَّهٖ

**«Илоҳингиз ягона Илоҳдир. Охиратга иймон келтирмайдиганларнинг қалблари инкор қилувчидир, ўзлари эса мутакаббирдирлар. Ҳеч шубҳасиз, Аллоҳ нимани сир тутаётганларини ҳам, нимани ошкор қилаётганларини ҳам биладир. Албатта, У мутакаббирларни суймас» (22-23-оятлар).**

Ҳориса ибн Ваҳб розияллоҳу анҳудан ривоят қилинади: «Набий соллаллоҳу алайҳи васаллам: **«Сизларга аҳли жаннатнинг хабарини берайми? Ҳар бир заифҳол ва заифҳол саналгандир. Аммо Аллоҳга қасам ичса, У зот унинг қасамини юзага чиқаради.**

**Сизларга аҳли дўзахнинг хабарини берайми? Ҳар бир қўпол, саркаш ва мутакаббирдир»,** дедилар».

*Икки шайх ва Термизий ривоят қилган.*

Ҳой, мансаб эгаси!

Ҳой, баъзи илм эгаси!

Ҳой, мол эгаси!

Ҳой, обрў эгаси!

Нега мутакаббирлик қиласан?!

Аллоҳ кўрсатмасин, агар миянгадаги артерия томирларидан бирида қон қуюлиб, қотиб, тромб ҳосил бўлса, бутунлай хотирангни йўқотиб, охири руҳсиз жасадга айланишинг, яъни вафот этишинг мумкин.

Миядаги томирда тромб ҳосил бўлса, нима бўлади?

- фалажлик;
- мускулларни бошқара олмай қолиш;
- ҳаракат қилолмаслик,;
- томоқ мускулларини бошқара олмаслик натижасида ютиниш, таомни ютишнинг қийинлашиши;
- қабзият;
- доимий бош оғриқ;
- хотиранинг йўқолиши;
- тушуниш, фикрлашнинг қийинлашиши;
- ўзини танимай қолиши;

- оғиз мускулларини бошқара олмаслик;
- гапиришга қийналиш;
- ўқиш, ёзишда муаммоларга дуч келиш ва гапни тушунмаслик.

Биргина нуқтадек қотган қон сабабли қандай аҳволга тушишимизни ўйлаб кўринг!

Унутманг, сиз ҳам, мен ҳам Аллоҳ таолонинг қабзасидамиз. Унинг лутфи, ҳилми остидамиз.

Агар Аллоҳ таолонинг раҳмати бўлмаганида, мен ҳам, сиз ҳам, барчамиз ҳам йўқ бўлардик!

Шундай экан, ожизлигимизни, бир кун ўлишимизни унутмайлик!

Аллоҳ таоло барчамизни Ўзининг ҳидоятидан айирмасин ва хотимамизни чиройли қилсин!

**Манбалар:**

Islom.uz

Quran.ksu.edu.sa

***Нозимжон Ҳошимжон тайёрлади***